

## **Symma Juris Canonici**

Comprehensa Tribus Partibus In Qva Distincte Et Succincte Explicantur,  
quæ ad personas, negotia, & iudicia Ecclesiastica ex Canonum præscripto,  
pertinent

De Personis Ecclesiasticis, Earumque statu, Dignitate, munere, &  
Immunitate

**Strein, Johann**

**Coloniæ Agrippinæ, 1658**

Titulus XI. De Legatis Apostolicis.

---

[urn:nbn:de:hbz:466:1-61816](#)

ceo induuntur, ut sub Greg. XIII. Anno galutis 1575. & Clemente VIII. Anno 1600. factum est, cum septem Ecclesiis invitarent extra tempus Paschale.

VI. Quando Pontifex equitat solenniterit, ut in Ficto Annunciationis Deiparæ, mulis vesti Cardinales simul tunicâ rubrâ induuntur. Extra solennem equitationem pallii usus est, & mosletti supra roquetum cum pileo non Pontificali coloris, quem tempus exigit.

VII. Cum Legatus aliquis Cardinalis, vel recens creatus à Collegiis suis deducatur, postquam Urbem intravit, habitu violaceo utuntur: similiter cum mulis vehuntur ad Consistorium publicum: rubro autem, quādo ad facella solennia. Extra tempus Adventus, Septuagesimæ, & Quadragesimæ, idem mulo, qui domino habitus tribuitur: pluvia arcenda lacerna superinjicitur.

VIII. Quocunq; tempore (exceptis de quibus supran. 2.) in Ecclesiâ titulari aliquis Cardinalis solennis Missâ agitur, habitum rubrum præferent, non obstante, quod Collegæ violaceo induti sunt: postremo nihilominus loco sedebit, nec benedictionem impertiet, nisi forte idem

ipse solenne officium peragat. Si ordinaria Missâ dicatur in titulari Ecclesia aliqua, Pontifice absente, puta, in S. Sabine in die Cinerum; ad S. Mariam de Minerua in Festo Annunciat B. M. V. vigiliis, vel exequiis propter Principem sacerdalem defunctum, Cardinalis ejus tituli eodem cum reliquis colore utetur, tenebitque locum alias sibi debitum.

IX. Cardinales Archipresbyteri trium Ecclesiarum Patriarchalium, S. Joannis Lateran. S. Petri, & S. Mariz majoris privilegiati sunt, eisdem que gaudent prærogativis in Ecclesia sua, quibus alii Cardinales in sua titulari.

X. Qui ex ordinibus religiosis assumpti sunt, ordinis habitum & colorem non mutant, excepto caputio, & bireto, quæ rubri coloris sunt ex Constitutione Greg XIV. & quia roqueto non utuntur in sacris, ejus loco albam induunt. De Societ. Jesu Patribus alter dicendum, quia certum habitum non gestant. In Rober. Card. B. Ilarm. cundem cum aliis Cardinalibus non Monachis habitum vidimus, quamvis iuxta illum nigro ordinis lui & clericali indueretur. Claudio Vaure in Descr. Curia Romanae c. 21.

## T I T U L U S XI.

### *De Legatis Apostolicis.*

I. **Q**uia ad Sedem Apostolicam non unius Provinciae, sed universi orbis cause, & negotia deferuntur, nec omnes cognosci & decidi possunt in absentia eorum, quorum

interest, necessitas exigit, per Nuncios & Legatos expedire. Mittuntur itaque auctoritate Pontificia nunc Cardinales, nunc alii de Clero, aut Curialibus Romanis, qui maximè idonei videntur. c. 1. & 2. disf.

2. dist. 84. c. decreto 2. q. 4. Silv. V. delegatus  
n. 16. Barb. in tt. de officio Legati.

II. Legatorum tres species sunt. Alii de latere, ali nati, ali missi. Gloss. communiver allegata in c. 1. de off. legati & c. 1. eo. in 6. Manrique q. 29. n. 2. Legatus à latere dicitur ille, cui à Pontifice committitur certa Provincia suo nomine gubernanda, qui propterea ordinarius Provincie nuncupatur. e. novit. de Iudic. & 1. un. C. demand Hujusmodi legati exemplo Veterū proconsulū creantur, quos ad gubernādum provincias Romanus populus mittebat. Barb. in vol. 8. Tr. Fran. Leo in thessori Eccl par. 1. c. 2. Barb. in tr. de Legatus à latere.

III. Legati nati sunt, qui legationis titulum & officium habent vigore Dignatum ex privilegio Apostolico induitū, cuiusmodi est Archiepiscopus Cantuariensis, & Eboracensis in Anglia. In Gallia Remensis, Bituricensis, Burdigalensis, Viennensis, & Lugdun. In Italia Pisanus. In Germania olim Magdeburgenis, nunc autem Salisburgensis. c. 1. de off. legati Abb. n. 1. & 2. Vallens. l. 1. tt. 30. Mosson. de majest. Eccles. par. 1. c. 6.

IV. Legati missi ordinarii non sunt Cardinales, & receptione Nuncii Apostolici appellantur, qualis Coloniz ad Rhenū, Lucernz in Helvetia, & Bruxellis in Belgio residere solet. Quirunt aliqui, an jurisdictionem ordinariam habeant in provinciis suis? Hoc tempore illam ne quidem Cardinales legatos à latere habent. Fran. Leo pag. 29. tradit allegando. Facultates Clem. VIII. qui adhuc Cardinalis ad Regem Polonia missus est, in quibus manifestè cavetur, ut sine prejudicio ordinariorum munere suo fungatur. At Suar. l. 4. de leg. c. 5. eos dicit habere poter-

statem plus quam Episcopalem & ordinariam, ut patet ex tt. de off. legat. quia opinio haud dubie juri & veritati consonat quia nihil obstat, quo minus in hoc vel illo restringatur. V. Barb. in tt. de off. leg. init. V. Zyp in enarr. Iu. Can. l. 2. de off. leg.

V. Est alia quoq; legatorum differentia. Aliqui enim simili Judices sunt alii nudum ministerium, exercent e. Nobiliss. D. 97. Abb. in Rulr. de off. leg. Nam duplex generatim loquendo causa mittendi est, una, ut provincie cum potestate praesit, altera ut cum Regibus & Principibus negotia tractet. c. Legatus de offic. Legati in 6. Azor par. II. l. 5. e. 27. q. 5.

VI. Ne potestas Ordinariorum, & iudicia per Legatos Apostolicos turbentur. Con. Trid. Sess. 4. c. 20. ita statuit. Legati quoq; de latere, Nuncii, Gubernatores Ecclesiastici, aut alii quarumcunque facultatum vigore non solam Episcopos in prae dictis causis (ad forum Ecclesiasticum spectantibus) impeditre, aut aliquo modo eorum jurisdictionem iis præcipere non præsumant, sed nec etiā contra Clericos aliasq; personas Ecclesiasticas, nisi Episcopo prius requisito, eoq; negligenter procedant: alias eorum processus ordinarii neve nullius momenti sint, atque ad damni satisfactionem partibus illis tenentur. Ob eandem causam de beneficiis, quorum jus conferendi litigiosum est, non potest disponere.

VII. Modum creandi legatum à latere Claudi. Vare Sic describit. Pontifex Senatorum coacto inquirit, an & qui intendi videantur. Qui nominati fuerint, exequunt, & postquam approbati sunt, reveruntur, de novo legati munere per pontificem edocendi. Illire cognita gratias agunt,

agunt, virium & ingenii tenuitatem excusantes; acquiescent tamen non suo magis, quam aliorum de se judicio confidentes. Tum pedes manusque Pontificis osculantur, ac tandem ad osculum pacis quoque admittuntur. Vbi discedendi tempus advenit, in Consistorium Patres iterum conveniunt, è quo cum discedendum, Legatus à latere Pontificis exit, quem ad portam civitatis usque Patres purpurati prosequuntur, & pace vicissim gratiisque impertitis recedunt. Legatus postquam Urbis portas attigit egressurus benedictionem dat, pallio rubro induitur, crucem præferri juber, eo quatuor proficiuntur. *Gambard. de off. Legatil. I. c. 2. Azor. I. cit. q. 1.*

VIII. Legatus Apostolicus ingrediendo civitatem suam, non nisi via ordinaria & consueta uti debet, ne à civibus derideatur, & contemnatur. *Gambard. I. I. st. de potest. Legati.* Bononiae ingressus quidam dicitur per insolitam portam, quem idcirco aversis vultibus exceptunt, nec pro Legato agnoverunt. Similiter alias cæmonias servare debet. A Clero & populo solenni processione excipiendus est. Archiepiscopi, Episcopi, & Legati minores crucem sibi præferri solitam depositant. *Antiqua de privil. Antequam hospitium subeat, Cathedralem vel primariam Ecclesiam intrat, & populo benedit. Potestatem nullam exercet, nisi prius monstrarit, legationis officium sibi demandatum esse in ea provincia exercendum. Legatis, qui Cardinales sunt, aliqui putant: alii contrarium tenent: in Gallia vero obtinuit, ut potestas illorum à Senatu regio prius discutiatur, quam*

permittantur ea uti. *Tholos. I. 15. c. 4. n. 170 Zyppeus I. 3. Responsorum §. Mandati. Responso I.*

IX. Legati Cardinales extra Urbem utuntur insignibus, & juribus quæ ipsis tantum convenient, cujusmodi est, benedictionem dare, & anteferre crucem. Insignia sunt rubri coloris habitus, frenum, & calcaria deaurata. *Abb. in c. antiqua de privil. c. Excommunicatis de off. legati §. superest u. 6. Mosconius pag. 137. Barb. de potest. Episc. par. I. tt. 3. c. 1.*

X. Quod potestatem Legatorum attinet 1. Statuta perpetua facere possunt, non lecus atque Episcopi Ordinationes Synodales. 2. Similiter perpetuæ erunt Indulgientiæ, quas dederint. 3. Legatus à latere absolvere potest ab excommunicatione propter injectionem manuum in Clericam: ab aliis quoque nisi expèsse additum sit, à nemine, quam Papa absolvi posse. Aliis Legatis id minimè licet c. 3. & 4. de off. Legati. 4. Legatus pro pluribus locis, seu provinciis, in quolibet loco illarum exercere potestatem suam potest, & unius provinciæ negotia in alia expedire propter connexionem territorii c. *Novit ille 7. de off. leg. 5. Legatus à latere conferre potest beneficia Ecclesiastica c. dilectus filiu eo. tt. Eadem beneficia sibi reservare potest: neque opus est consensu Episcopi aut patroni. Excipe beneficia, quæ ad Episcopum ut delegatum spectant. 6. Legato à latere præsente minor legatus v. g. Provinciæ officium seu exercere non potest. c. volentes 8. de off. leg. Az. II. I. 5. c. 28. Selva. par. 4. q. 9. tr. de benef.*

XI. An possit Legatus in provincia sua Indulgentias concedere multi dubitant. *Suarini IV. disp. 55. c. fin. rem incertam esse pronun-*

pronunciat, & praxin consulendam esse. Fran. Leo in thesso. Eccl. l. 1. c. 7. n. 18. ab solutè affirmat Indulgentias à Legatis dari intra fines sua legationis. Addit tamen, limitatae esse potestatem, ut non possit, nisi 40. dierum concedere, & annum in Dedicatione Ecclesie: quā in re Episcopis & equiparantur. Rodericus par. 2. q. 98. a. 2. cum Gambaro docet restitutio- nem ad 40. dies factam à Concil. Later. IV. non pertinere ad Legatos: adeoque ma- jores Indulgentias concedere posse. Præsumitur enim, quod quae sunt immedia- ta pars Apostolicæ Sedis, futurum, ut non excedant in dispensatione thesauri Ecclesiastici. Azor. II. l. 5. c. 32. Bellarm. l. 1. de Indulg. c. 11.

XII. Ad Judicium Legati omnes cau- sa pertinent, quae Ecclesiastici fori sunt, sive sacræ illæ sive profanæ reputentur: nec opus ubique, & semper consuetam judicii formam oblevare. De plano, simpliciter, & summarie cognoscere, ac judicare potest. Gambac. de immun. Eccl. l. 6. c. 11. Azor. II. l. 5. c. 31. Piascius par. 2. c. 5. pag. 385.

XIII. Legatum Apostolicum dispen- sare posse in gradibus consanguinitatis, & affinitatis Jure Canonico tantum pro- hibitis. Gofredus affirmat, teste Gambaro de off. legati l. 7. n. 375. & seq. quia in c. quod di- lectio de consang. & affin. dicitur, legatum dispenſatio cum quibusdam in sexto gra- du, qui tunc prohibitus erat, sicuti nunc quartus. Sed alii DD. communite ne- gant, id posse Legatum, quam senten-

tiam tenendam esse pronunciat. Azor. tom. II. l. 5. c. 30. q. 15. addit, causam Sanchez l. 8. disp. 6. n. 15. quia Legatus etiam à late- re circa dispensationes ea potest solù in in- provincia sibi commissâ, quae potest E- piscopus in suâ diocesi, quemadmodum docet Glossa c. quia circa. V. à Sede & c. quod dilectio V. indulgentiam de consangv. & alii multi citati ibidem. Idem Legati tamen intra fines provinciæ sibi commendatae facultatem dare possunt, eō modo, quo Ordinarius quilibet, alicui Sacerdoti ut assistat matrimonium contrahentibus, ut ratum & validum sit. Con. Trid. Seff 24. de ref. Matrim. in remiss pag. 366. De dis- pensatione cum Sputis ad ordines & be- neficia Ecclesiastica legi potest. Azor. II. l. 5. c. 30.

XIV. Legatorum officium quatuor modis terminatur. Primo revocatione ultroneæ Summi Pontificis. Secundo tem- pore, pro quo missus erat, finito. Tertio re expedita. Quartò morte legati Jurisdi- ctionem ipsius cessare ab ipso die revo- cationis, quamvis id Legatus ignorat. Felinus tradit c. ex parte de rescriptis. num.

12. Ost. & Gofr. in Summa eo tt. Gam- bar. de offic. Legati à lat. l. 5.  
pag. 278.

\* \*

X

TIT.